



S jučerašnjeg spaljivanja opijata

Termoelektrana Gacko

Uništeno pola tone droge

U peći Termoelektrane Gacko jučer je spaljeno oko 550 kilograma opojnih droga, čija bi vrijednost, da se našla na tržištu, iznosila oko 11 miliona maraka. Droga je u Gacko u ranim jutarnjim satima iz Sarajeva stigla vozilima koja su osiguravali pripadnici SIPA-e.

Prema riječima Vjekoslava Vukovića, pomoćnika ministra u Ministarstvu sigurnosti BiH, Termoelektrana Gacko je jedini objekt u kojem se vrše ovakve aktivnosti, jer ispunjava ekološke standarde, a očekuje se da se u budućnosti spaljivanje opijata obavlja i u Termoelektrani Tuzla.

P.M.